

受比丘戒。後受菩薩戒者。卽用比丘戒臘爲菩薩戒臘。以受菩薩戒時。則比丘戒一切轉成無盡戒體。故若其人先受菩薩戒。後受比丘戒者。於大乘中。則依菩薩戒次。於小乘中。仍依比丘戒次。不得以菩薩戒臘。作比丘戒臘。以菩薩戒。非關住持僧寶數。故輔行云。若先小後大。則開小夏以成大夏。若先受大。後受律儀。在小則依小。在大則依大也。比丘尼衆。亦復如是。若沙彌沙彌尼等。小乘惟論生年。大乘須論菩薩戒次。近住近事。亦復如是。三明誦戒人者。若九衆俱現在前。必須菩薩比丘高座而誦。餘皆默聽。若無比丘。惟有八衆。必須菩薩比丘一人誦之。若無比丘比丘尼。惟下七衆。必須菩薩式叉摩那一人誦之。若併無式叉摩那。必須菩薩沙彌一人誦之。若更無沙彌。必須菩薩沙彌尼一人誦之。若更無沙彌尼。必須菩薩近住男誦。若近住男亦無。則菩薩近住女誦。若近住女亦無。則菩薩近事男誦。若近事男亦無。則菩薩近事女一人高座而誦。其餘菩薩近事女。下座默聽也。問。設有比丘而不能誦。尼反能誦。乃至有近事男而不能誦。女反能誦。則如之何。答。經云。若受菩薩戒。不誦此戒者。非菩薩。非佛種子。安得受戒而不能誦耶。問。初受戒人如何。答。既初受戒。未能誦戒。卽不得遠離師友。問。設有因緣。不得與師友相近。如何。答。平時許展轉。反從下衆學熟。至誦戒時。必須上衆登座。問。平時展轉從下衆學時。還得稱爲師否。答。前戒比丘。得稱後戒比丘爲阿闍梨。亦得一切事以師禮。唯除禮足從沙彌學。亦復如是。若從三女衆學。更須消息。令弗生譏嫌。若從近住近事學者。不得稱師。如佛世給孤長者。恆爲新學比丘授法。反禮比丘之足。卽其例也。問。比丘不得禮白衣者。何故

維摩經中。新學比丘禮居士足。答。此是古佛化現。爲欲發大教。偶示彈斥。且入三昧。令識宿命。豁然還得本心。故不得不破格禮足。非可援爲常例。又如蕭梁之時。有傅大士。乃是彌勒現身。亦非餘諸凡聖所得藉口。今但當以給孤爲式。是故白衣說法。此誠無過。亦非佛法衰兆。倘稱白衣爲師。則大成非法。眞衰相矣。四明所誦法者。西域旣大小異居。小惟誦比丘戒。大乃兼誦比丘菩薩二種戒法。先誦比丘戒時。菩薩沙彌。菩薩優婆塞等。俱不得聽。後誦菩薩戒時。則七衆俱應隨聽。今大小雜居。應作三種分別。一者此中若惟小乘。自依律法。不必更論。二者若惟大乘。或有比丘沙彌淨人同住者。比丘或四人。或過四人。先作白誦比丘戒竟。次喚沙彌淨人。同聽誦菩薩戒。比丘若三人二人。先相向三說布薩竟。次喚沙彌淨人。同聽誦菩薩戒。比丘若惟一人。先自心念布薩竟。次喚沙彌淨人聽菩薩戒。若無比丘。惟有沙彌淨人同住。卽自誦菩薩戒。此亦還如西域常式也。三者若有大小乘比丘沙彌淨人雜住。先遣沙彌等出。但與小乘比丘和合布薩。若四人以上。作白。若三人二人。相向說竟。次遣小乘比丘出。喚菩薩沙彌。菩薩淨人。同聽誦菩薩戒。次喚小乘沙彌。爲說十戒。次喚小乘淨人。爲說五戒。然沙彌十戒。及優婆塞五戒。律無誦法。雲棲誦戒式中。乃先誦之。於理無違。於事有益。今準律中自恣之法。比丘尼自恣竟。方喚小衆自恣。以此爲例。則於誦具戒畢。然後喚沙彌淨人。爲說十戒五戒。似更妥也。又所誦戒法。若依此經。則先誦十重四十八輕戒。若地持中。別出菩薩戒本經一卷。正是半月誦戒之本。共列四重四十一輕戒相。其根本四重。及飲酒等。自屬具戒十戒五戒中攝。

故不重出。惟出菩薩增上律儀。實與此經互爲表裏。以彼四重。卽此經之後四重故。以彼四十一。輕。但與此經開合次第稍殊。而開遮持犯之致更明析故。藏中先後共有六譯。惟讚師所譯最善。故今輯在後集。半月半月。似應誦此戒本。但必先作比丘布薩。次喚沙彌爲說十戒。次喚淨人爲說五戒。然後遺出未受菩薩戒者。而比丘沙彌淨人次第坐聽。彌爲確當。高明者幸酌行之。五明所用界者。菩薩比丘。仍用比丘法中所結大界。尼亦如是。沙彌隨屬比丘。無別界法。聽比丘誦。不得別誦。餘二女衆。屬比丘尼。亦復如是。在家二衆。若無事緣。宜至僧中聽誦。若有事緣。各於家中自誦。亦得。若至僧伽藍中。卽須隨僧聽誦。亦不得別誦也。設師是小乘比丘。沙彌弟子是菩薩者。師自行比丘事。弟子亦自盡其沙彌之職。至誦戒時。先聽其師爲說十戒。次離師見聞之處。自誦菩薩戒法。或有近處誦菩薩戒者。白師而往聽之。六明廣略儀者。比丘戒之廣略。具如律中。茲不復論。若但大乘衆者。無難。卽須全誦比丘菩薩二種戒本。設有難緣。略說比丘戒。廣說菩薩戒。難事若迫。二俱略說。若大小雜居者。設有難緣。應廣說比丘戒。略說菩薩戒。難迫亦俱略說。若惟有菩薩沙彌淨人。則惟誦菩薩戒法。設遇難迫。或但說重戒。或但云。今十五日說戒。各各正身口意等。隨時斟酌皆得。若無難緣。總不得略說也。

(註三) 如前文云。一切時中。皆應講此經律後文云。見一切衆生。應勸受三歸十戒等。故知不同毘尼藏也。又菩薩比丘比丘尼。一切時中。亦不得以五篇罪名。向未受具戒者說。而菩薩沙彌等。亦不得預知五篇名義。致成重難。永障此生受具戒也。

(註四) 戒本經云。於一日一夜中。若佛在世。若佛塔廟。若法。若經卷。若菩薩修多羅藏。摩得勒伽藏。若

比丘僧。若十方世界大菩薩衆。若不少多供養。乃至一禮。乃至不以一偈讚歎三寶功德。乃至不能一念淨心。若不恭敬。懶惰懈怠。是染污犯。若忘誤。非染污犯。不犯者。入淨心地菩薩。如得不壞淨比丘。常法供養一切三寶。善生經云。若得新穀果。麻菜茹。不先奉獻三寶。先自受者。是優婆塞得失意罪。若以殘食施於比丘比丘尼優婆塞。優婆夷。是優婆塞得失意罪。

◎觀心理解

案合註緣起云。一夙有微因。今復久誦。半生淹浹。自不無千慮之一得。故於理觀事相。一指陳。一如上戒律事相。既已敷陳。事相門有六。即結罪重輕。性遮二業。七衆。料簡大小同異。善識開遮。異熟果報也。今次當明觀心理解。自下懺悔行法之有事懺理懺。修證差別與性惡法門之見理事兼敷。圓融貫澈。歎爲觀止。

〔十重戒〕

第一殺戒 凡夫外道。執常執斷。破害真諦。藏教析色觀空。破害俗諦。通教雖達無生。終歸灰斷。不知常住真心。是殺中諦。別教仰信中道。謂是迥出二邊。修中觀時。復殺二諦。惟圓人了達一心三觀。全體法界。不動法界。始從名字。終於究竟。皆不犯理殺也。

第二盜戒 未達性具法門。心外取法。取非其有。故名爲盜。凡夫盜有外道盜空。二乘盜真。菩薩盜俗。別教盜取中道。惟圓人了達性徧性具。不於心外別取一法。不犯理盜。

第三婬戒 色界凡外。耽著味禪。無色凡外。耽著空定。二乘耽著涅槃寂滅。菩薩耽著遊戲神

通別教棄於二邊。耽著中道。惟圓人了達一心三觀。性修不二。理智一如。亡能所。絕對待。不犯理媿。

第四妄語戒。違如實理。有所言說。皆名妄語。凡夫說有。違於本空。外道說無。違於緣起。二乘說真違俗。菩薩說俗違中。別教說中。雙違二諦。惟圓人了達法界。如理而說。名不妄語。亦名非無義語。

第五酤酒戒。有三毒酒。散亂酒。禪定酒。無知酒。無明酒。三毒散亂。迷醉欲界中人。禪定。迷醉色無色界中人。無知。迷醉二乘。無明。迷醉菩薩。自醉結輕。招呼同伴。結重也。

第六說四衆過戒。如大涅槃經云。佛禁無常。汝猶說者。即破佛禁。又云。我等皆應善覆無常。說於常住。以此爲例。即是隱惡揚善之義。若隱覆常住。說於無常。是說佛過。亦是說四衆過。第七自讚毀他戒。菩提爲自。煩惱爲他。涅槃爲自。生死爲他。菩提是道諦。煩惱是集諦。涅槃是滅諦。生死是苦諦。若生滅四諦。即具讚毀。無生四諦。即無讚毀。若無量四諦。即具讚毀。無作四諦。即無讚毀。又二乘以真爲自。以俗爲他。菩薩以俗爲自。以真爲他。別教以中爲自。二諦爲他。皆具讚毀。圓無自他。故無讚毀。又對待妙。即具讚毀。絕待妙。即無讚毀。

第八慳惜加毀戒。秘真妙法名慳。令獲陋果名毀。法華經云。若以小乘化。乃至於一人。我則墮慳貪。是事爲不可。

第九瞋心不受悔戒。凡外隔真。二乘隔俗。出假隔中。但中隔於二諦。
第十謗三寶戒。凡外謗真。二乘謗俗。出假謗中。但中謗於二諦。

〔四十八輕戒〕

第一不敬師友戒。外道不敬真諦。二乘不敬俗諦。藏通不敬中諦。別教不敬二諦之友。

第二飲酒戒。如酤酒中說。

第三食肉戒。凡外食斷常瘧肉。二乘食偏真枯肉。菩薩食出假脂肉。別教食但中頑肉。

第四食五辛戒。見思辛。塵沙辛。無明辛。

第五不教悔罪戒。前人破於理戒。應教理懺。又觀心釋者。前念起惡爲罪。後念覺意觀察。名爲教悔。

第六不供給請法戒。觀慧不現前。名不供給請法。

第七不往聽法戒。不歷法觀心。卽是不往聽法。

第八心背大乘戒。除一乘圓理。其餘皆名邪小。

第九不看病戒。衆生具有見思塵沙無明等病。不以四教法藥治之。名不看病。

第十畜殺具戒。前三教觀行。皆是殺理之具。

第十一國使戒。無明國。不可交通。煩惱軍。往來得罪。

第十二販賣戒 取果行因名販賣。偏真涅槃名死具。又不達性具之理。別圖積功累德。別求中道。皆名販賣。

第十三謗毀戒 亦如重戒中說。

第十四放火焚燒戒 放見思火。燒真諦理智。放無明火。燒中道理智。

第十五僻教戒 除一乘妙法。皆名邪小。故曰自此以前。我等皆名邪見人也。

第十六爲利倒說戒 不知四悉檀因緣。皆名倒說。

第十七恃勢乞求戒 二乘橫取真。藏通菩薩橫取俗。別教橫取中。

第十八無解作師戒 未真見諦。總名無解。

第十九兩舌戒 說有說無爲兩舌。說真說俗爲兩舌。說邊說中爲兩舌。

第二十不行放教戒 見外凡殺真諦。二乘殺俗諦。權教殺中諦。而不放教。

第二十一瞋打報讎戒 見思塵沙無明爲讎。以空假中觀破之爲瞋報。若了達煩惱卽菩提。則無瞋報。亦名以直報怨。

第二十二憍慢不請法戒 一切諸法中。悉有安樂性。不善用觀。橫於其中。取一捨一。就所捨處。不能於中如實觀其法性。名憍慢不請。

第二十三憍慢僻說戒 有修有證。皆名憍慢。不知四悉因緣。皆名僻說。

第二十四不習學佛戒 同第八戒。

第二十五不善知衆戒 不能和融事理。不知善守法財。

第二十六獨受利養戒 不以大乘法普化一切。名獨受利養。

第二十七受別請戒 受入空請。是別於俗諦。受出假請。是別於真諦。受但中請。是別於二諦。

第二十八別請僧戒 知對待妙。不知絕待妙。輕藏通別教之法。而別尙圓教。是別請義。

第二十九邪命戒 不知性具。而取果行因。積功累德。名爲販賣。不達無作道滅。名爲作食。不

證自心現量。名爲占相。不知開權顯實。名爲呪術。未達無功用道。名爲工巧。有所取攫。名爲調應。偏真偏俗。但中法門。名爲毒藥。

第三十經理白衣戒 於真諦外別緣俗諦。名經理白衣。不知人命在呼吸間。名不敬好時。又不知十世古今不離當念。介爾一念橫徧豎窮。名不敬好時。

第三十一不行救贖戒 不知性具。名賣三寶。方便開示。令知性具。名爲救贖。

第三十二損害衆生戒 凡外損真。二乘損俗。藏通損中。別損二諦。

第三十三邪業覺觀戒 除不思議妙觀。皆名邪覺。

第三十四暫離菩提心戒 除一乘皆邪小。如前說。

第三十五不發願戒 未得行不退。容有間斷時。

第三十六不發誓戒 未證位不退。前四誓或有間時。未證行不退。第五誓或有間時。

第三十七冒難遊行戒 見思塵沙無明爲惡國。亦名賊。亦名水。亦名火。亦名師子毒蛇虎狼。

第三十八乖尊卑次第戒 十乘觀法不次第現前。名乖法次。

第三十九不修福慧戒 不知性具緣因。名不修福。不知性具了因。名不修慧。

第四十揀擇受戒戒 不歷三性徧修覺意三昧。是揀擇義。

第四十一爲利作師戒 二乘爲真諦利。出假菩薩爲俗諦利。別向爲但中利。惟圓人了達法界。無利可爲。

第四十二爲惡人說戒戒 常住佛性。名爲真戒。未悟圓宗。皆名惡人。應以餘法。示教利喜。不應但讚一乘。反令衆生沒在苦。

第四十三故起犯戒心戒 起理外心。卽名犯戒。

第四十四不供養經典戒 一念不與真淨大法相應。名不供養。

第四十五不化衆生戒 一心轉教餘心。名化衆生。一念不與妙觀相應。名爲不化衆生。

第四十六說法不如法戒 坐法空座。乃名如法。

第四十七非法制限戒 不於一切法中顯出三寶體性。名非法制限。

第四十八破法戒 不如說修行。卽是破法因緣。又不知四悉檀因緣。卽是破法因緣。

●懺悔行法表記

向一人悔過

非染汚犯及方便輕垢。但向一人悔過。罪便得滅。

向三人悔過

染汚犯及方便重垢。須向三人悔過。或無衆僧。向三二人亦得。設總無清淨。大小乘衆。堪向悔過。但殷重自誓。終不復犯。罪亦得滅。若有人可向悔過。不得自誓。滅也。

向衆僧悔過

失戒重罪。堪任更受者。須向衆僧悔過。重受。失戒重罪。不堪更受者。即須用取相懺法。

事懺

作法懺

取相懺

日夜六時。誦重輕戒。苦到禮三世千佛。二七三七乃至一年。以見好相為期。此須十科行道。備極精誠。仍復內資理觀。外假壇儀。凡法華方等。大悲占察等一切行法。皆屬取相懺攝。能滅根本重罪。令淨戒復生。亦能滅七逆罪。使重報輕受。但不云使得戒耳。

析觀無生

謂觀此身六分所成。所謂地水火風空識。微細推求。實無有我。及以我所。

體觀無生

謂觀此身如幻如化。如鏡中像。夢中物等。當體不實。彼六分法。尚自不有。云何復有我及我所。

理懺。無生懺
正滅理

次第無生

前不
兼後
後必
具前

懺法

犯之罪亦除七逆重愆。

謂雖知中道佛性含靈本具。由迷強故不能頓觀。先觀一切假名諸法。從因緣生。無有實性。從假入空。得見真諦。既見真空。不住于空。從空出假。徧觀俗諦。二諦既明。遮照和融。方歸中道。

一心無生

謂了知中道佛性徧一切法。如心佛亦爾。如佛衆生然。心佛及衆生。是三無差別。此心即空假中。三諦既是天然性德。三觀亦非造作修爲。一心之中。法爾具足。如此觀智。全即諦理。深達罪福相徧。照於十方。是名實相。懺悔以迷則全實相而爲罪相。悟則全罪相而即實相故。

逆(一聚)

須見好相(二聚)

此經云。若有犯十戒者。應教懺悔。要見好相。使得滅罪。若無好相。雖懺無益也。

堪任更受(三聚)

羯磨文云。若諸菩薩毀棄淨戒。於現法中。堪任更受。又云。若上品纏。違犯他勝處法。失律儀戒。應當更受。

(會通)次條不云須見好相。今會通其意。前條經文雖一往偏指十重。而理須獨歸前四。以善生經中無後四戒。地持經中無第五第六戒。故。至於次條羯磨文。雖似獨指後四。而前六等流亦可例通。以殺盜等必有上中下之別。非可一概論故。是以失戒重罪。須通途作此二類也。

不失戒(四聚)

如羯磨文云。非諸菩薩暫一現行他勝處法。便捨菩薩淨戒律儀也。

染污起或稱重垢(五聚)

非染污起或稱輕垢(六聚)

今經總名輕垢。直對十重言之。實則輕戒之中。復有重輕差別。兼有方便等流之不同。

罪相重

輕

案蕩益大師有云。一說罪而不觀心。猶能決罪之流。倘談理而不發露。決難清罪之源。若必恥作法。而不肯奉行。則是顧惜體面。隱忍覆藏。全未了知罪性本空。豈名慧日。一又云。一世人正造罪時。實是大惡。不以爲恥。向人發露。善中之善。反以爲羞。甘於惡而苦於善。遂成惡中之惡。永無出期。顛倒愚癡。莫此爲甚。一準是以觀。宜依律制。向僧衆前發露。罪乃可滅。豈可妄談實相。輕視作法。若作法懺。玄奘三藏譯瑜伽菩薩戒本後詳之。若取相懺。當依合註附刊之梵網懺悔行法。大師曰。一經云。若有犯十戒者。應教懺悔。在佛菩薩形像前。日夜六時誦十重四十八輕戒。苦到禮三世千佛。若一七日。二三七日。乃至一年。要見好相。便得滅罪。此金口明訓也。故知法華方等大悲占察等種種行法。雖各有滅罪得戒功能。而於犯十戒者。仍須別依梵網行法。方使標心不泛。所謂如從地倒。還從地起。又此經所明千里無師。像前自受。但云當以七日。佛前懺悔。得見好相。便得戒。若不得好相。應二七三七。乃至一年。要得好相。一見第二十三懺悔。得見好相。便得戒。若不得好相。蓋大意與環珞地持之自誓受戒同耳。故向年已曾述學戒法。今則特爲受菩薩戒之後。犯十重者。別明懺儀。俾依三世諸佛出罪。既見好相。則戒體完復。雖於比丘法中。不任僧用。而或爲菩薩沙彌。或爲菩薩優婆塞。可無慚德。且密默進道。直證無生。亦非分外事矣。其或八戒五戒。及沙彌戒破根本者。依此懺法。見好相已。既得菩薩大戒。亦仍可許進比丘戒。若小乘比丘破根本者。依此懺悔。見好相已。密達無生。或仍可附與學之科。縱令障深。未成感應。而

永斷相續。懇惻求哀。必能閉惡趣門。植出世種也。一以次正明懺悔行法。

重	戒	事	犯	懺	法	理	犯	懺	法	
一	殺	戒	殺上品。是逆。	無生懺	凡外殺真諦罪	析觀無生懺	殺中品。失戒重。須見好相。	取相懺	藏教殺俗諦罪	體觀無生懺
			殺下品。失戒重。堪任更受。	或是不失戒重	向眾僧悔過	通教殺中諦罪	次第無生懺	三品殺法。重垢。 <small>或上品殺法。應同不失戒重。</small>	向三人悔過	別教雙殺二諦罪
二	盜	戒	盜三寶。父母師長物。失戒先須償還。	取相懺	盜有盜空。	析觀無生懺	盜人道物。失戒償否。隨時斟酌。	懺	盜真。盜俗。盜中。	一心無生懺
			盜天及鬼神畜生物	向三人或眾僧悔過	盜真。盜俗。盜中。	一心無生懺	上品中品盜法	向三人或眾僧悔過	盜真。盜俗。盜中。	一心無生懺
			下品盜法	向一人或三人悔過	盜真。盜俗。盜中。	一心無生懺	盜天及鬼神畜生物	向三人或眾僧悔過	盜真。盜俗。盜中。	一心無生懺
			三品盜因盜緣	向一人悔過	盜真。盜俗。盜中。	一心無生懺	盜天及鬼神畜生物	向三人或眾僧悔過	盜真。盜俗。盜中。	一心無生懺

<p style="text-align: center;">妄語戒</p>	<p style="text-align: center;">姪戒</p>
<p>大妄語成失戒。取相懺 小妄語綺語增上類犯失戒須更受。 餘一切等流及方便罪。向衆僧悔過 <small>隨其輕重用三種作法懺除之。</small> 法說非法等一切妄語。事成犯逆不可悔。 破法輪僧。破羯磨僧。用無生懺轉重令輕。 <small>不成犯方便重垢。向一切僧悔過。</small></p>	<p>姪因。向一人悔過 姪緣。向三人或一人悔過 姪法。向衆僧或三人悔過 姪業失戒。取相懺 <small>弄陰失精。觸女人。向女人作粗。比丘自依僧法出罪。惡語。或讓身受供。或為媒嫁事。餘衆須向衆僧悔過。弄陰未出精中止。觸黃門二根男子身。或向三人或向其作粗惡語。讓身索供。媒嫁事未成等。一人悔過。案律論云。若長老聞此不淨行。慎勿驚怪。何以故。如來憐愍我輩。為結戒故。說此惡言。若不說者。云何得知罪之重輕。若法師為人講。聽者慎勿露齒笑。若有笑者驅出。何以故。佛憐愍衆生。金口所說。汝等應生慚愧心而聽。可以笑。</small></p>
<p>凡外。真諦無生懺 違理二乘。從空出假懺 妄語菩薩。中道無生懺 別教。一心無生懺 一心無生懺。除一切事理妄語罪。無有不盡。</p>	<p>耽着色無色定。析觀無生懺<small>亦可用後三無生懺</small> 耽着涅槃。體觀無生懺<small>亦可用後二無生懺</small> 耽着遊戲神通。次第無生懺之中觀<small>亦可用後二無生懺</small> 耽着中諦。一心無生懺</p>

<p>九 瞋心不受悔戒</p>	<p>八 慳惜加毀戒</p>	<p>七 自讚毀他戒</p>	<p>六 說四衆過戒</p>	<p>五 酤酒戒</p>
<p>全 右</p>	<p>作法懺。例前可知。</p>	<p>上品。失戒重。堪任更受。……向衆僧悔過 中品。不失戒重。……向三人或衆僧悔過 下品。犯輕。……向一人悔過</p>	<p>犯重。失戒。堪任更受。…… 犯輕。……作法隨事斟酌。 <small>向衆僧悔過。或復取相懺彌善。</small></p>	<p>酤酒。約本經。失戒。須見好相。……取相懺 <small>業成。約地持。是遮業故。失戒。堪任更受。</small> 酤業未成。及賣淨肉。在婬坊等。 <small>向衆僧或三人一人等悔過</small> 向衆僧悔過</p>
<p>隔真……四種無生。隨一皆得。 隔俗……體觀等三。亦隨用一。 隔中……次第一心。亦隨用一。 隔二諦……用一心無生懺</p>	<p>理慳。用一心無生懺。法華云。惟以如來滅度而滅度之。</p>	<p>理中讚毀。即用體觀。一心二種無生懺。</p>	<p>犯於理說。惟用一心無生懺。</p>	<p>三毒酒。散亂酒。禪定酒。……四種無生懺 無知酒……次第一心。二種無生懺 無明酒……一心無生懺</p>

一不敬師友戒	作法懺	如次用四種無生懺
二飲酒戒	全右	無生懺
三食肉戒	全右	全右
四食五辛戒	全右	全右
五不教悔罪戒	全右	全右
六不供給請法戒	全右	全右
七不往聽法戒	全右	全右
八心背大乘戒	全右	一心無生懺
九不看病戒	全右	無生懺自於四種無生善通達已，乃能以法藥療他。
一〇畜殺具戒	全右	一心無生懺
二國使戒	全右	無生懺
三販賣戒	全右	一心無生懺
以上十重戒 以下四十八輕戒		
輕戒	事犯懺法	理犯懺法
〇謗三寶戒	全右	謗真謗俗謗中謗二諦懺法全右。

一三 勝毀戒	全右	無生懺
一四 放火焚燒戒	全右	見思燒……………四種無生懺 無明燒……………次第一心二種無生懺
一五 僻教戒	全右	一心無生懺 <small>悟一心無生法已。為實施權。開權顯實。以正入邪。引邪歸正。無所不可。</small>
一六 為利倒說戒	全右	無生懺
一七 恃勢乞求戒	全右	一心無生懺
一八 無解作師戒	全右並善學	無生懺
一九 兩舌戒	全右	有無兩舌……………四種無生懺 真俗兩舌……………後二種無生懺 邊中兩舌……………一心無生懺
二〇 不行放教戒	全右	無生懺
二一 瞋打報讎戒	全右	一心無生懺
二二 憍慢不請法戒	全右	全右
二三 憍慢僻說戒	全右	全右
二四 不習學佛戒	全右	全右

三 不善知衆戒	全 右	無生懺
三 獨受利養戒	但犯方便輕垢……作法懺 已得五錢入手結重失戒……取相懺	一心無生懺
三 受別請戒	作法懺	全 右
三 別請僧戒	全 右	一心融四種無生懺
三 邪命戒	全 右	一心無生懺
三 經理白衣戒	全 右	全 右
三 不行救贖戒	全 右	全 右
三 損害衆生戒	全 右	無生懺
三 邪業覺觀戒	全 右	一心無生懺
三 暫離菩提心戒	全 右	全 右
三 不發願戒	能數數發願令菩提心不斷即名懺悔。	
三 不發誓戒	能數數發誓令正願不退即名懺悔。	
三 冒難遊行戒	作法懺	無生懺
三 乖尊卑次第戒	全 右	全 右

完不修福慧戒	修 即 是 悔		
罽揀擇受戒戒		作法懺	
罽為利作師戒		全右	一心無生懺
罽為惡人說戒戒		全右	全右
罽故起犯戒心戒		全右	於一心無生中善達四悉因緣。
罽不供養經典戒		全右	一心無生懺
罽不化衆生戒		全右	無生懺
罽說法不如法戒		全右	全右
罽非法制限戒		殷勤建立三寶	善修一心三觀
罽破法戒		作法懺	行解雙進

④ 修證差別性惡法門合表

合註釋性惡法門云。善惡之法皆是性具。達其性則能用善用惡。而不被善惡所用。不達其性則被善惡所用。不知稱性功能。以被善惡所用。故全性德而成逆順二修。感於苦樂二報。以能巧用善惡。故即二修成合平等一性。成於折攝二門。

案性惡法門十門明義之第十也。明義至此。造極登峯。見地甚高。境界甚深。初學菩薩。未容藉口。

靈芝律主云。『今時愚者。錯解佛乘。皆謂理觀寂爾無思。空然無境。取捨不得。能所俱亡。頑然寂住。便是真如。放蕩任情。即為妙用。由是不禮聖像。不讀真經。毀戒破齋。嗜酒噉肉。誇為大道。傳化於人。惡業相投。率多承習。此乃虛妄臆度。顛倒輪迴。豈知達法皆真。何妨混淨。了真即用。豈礙修行。是故悟理則萬行齊修。涉事則一毫不立。自非通鑑。餘復何言。』又南山律主云。『智論問曰。有人言罪不罪不可得。名為戒者。何耶。答曰。非謂邪見蠱心。言無罪也。若深入諸法。相行空三昧。慧眼觀。故言罪不可得。若肉眼所見。與牛羊無異也。今誦大乘語者。自力既弱。不堪此戒。自恥穢行。多不承習。有引此據。不解本文。故曲疏出。』以見恣懶慢。以謂無修。作穢鄙而言妙用。則是都迷階漸。一混聖凡。滅法壞人。莫甚於此。初心之士。慎之凜之。

戒名	修證差別	性惡法門
一殺戒	別圓觀行位人。善伏煩惱。能防故殺。相似初心。先斷見惑。與藏通初果齊。得道共力。能斷故誤。二殺。如釋種寧死不戰。是斷故殺。初果耕地。蟲離四寸。是斷誤殺也。華嚴二地。云性不殺生者。此約教道。二地戒波羅密增上。或約理殺。二地即是界外須陀洹果故也。藏教外內二凡。能防殺真諦罪。初果以上。永斷殺真之罪。通教乾慧性地。能防殺俗諦罪。八人	今明性惡。復約二義。一用事殺。如古昔聖王。殺仙。豫婆羅門等五百人。乃是與其無量壽命。此亦可稱為善識開遮。又如無厭足王。幻作惡人而行治罰。沙彌吞食外道。度令出家。證果等皆巧用事殺也。二用理殺。所謂弑無明父。害貪愛母。護生須是殺。殺盡始安居也。前明不殺。必至佛果。方得究竟清淨。此文明殺。亦至佛果。方得究竟殺盡耳。

梵網經菩薩戒本彙解下篇

修證差別性惡法門合表

<p>三 婬 戒</p>	<p>二 盜 戒</p>	
<p>初果永斷邪婬。三果永斷正婬。乃至夢中不復失精。別教初住同初果。五住同三果。圓教初信同初果。五信同三果。理婬者。藏四果。通已。辨別七住。圓七信。永斷色無色。愛通教菩薩分三根。上根三地。四地出假。中根五地。六</p>	<p>別圓觀行位人。能防故盜。相似初心。位齊初果。永斷故盜。華嚴二地中義。如殺戒辨。藏教內。凡外。伏於空有二盜。初果永斷盜空。四果永斷盜有。圓教觀行。圓伏盜真盜俗盜中之罪。初住分斷。妙覺究竟斷盡。別教登地。證道同圓。亦能分斷理盜。</p>	<p>以去。亦復永斷。別教初心。仰信中道。能防殺中諦罪。十住十行。猶未永伏。十向永伏。初地永斷。兼斷雙殺二諦之罪。以證道同圓。故圓教初心。了知法界。不壞一法。能防雙殺二諦之罪。故名第一清淨。亦復論於名字清淨。觀行清淨。乃至究竟清淨也。</p>
<p>用事婬。如釋迦以化人度婬女。菩薩以分身應魔女。令發菩提心。婆須密多以婬女身。令人證解脫門等。用理婬。則法喜為妻。佛得第一無上法喜之樂。名為究竟受五欲人。</p>	<p>事盜如開遮所明。理盜則菩提無與者。然我取菩提。三世諸佛。乃稱究竟大盜耳。</p>	

<p>五 酤酒戒</p>	<p>四 妄語戒</p>	
<p>初果得道共力。永斷事酤。凡外酤三毒。散亂禪定等酒。初果亦永不酤。未免自飲。四果永不復飲。若無知酒。二乘但飲不酤。出假位中。更不復飲。若無明酒。地前菩薩亦酤亦飲。登地但飲不酤。妙覺永不復飲也。</p>	<p>藏通初果。別住圓信。永斷事妄。藏通初果。斷違空違緣起妄。出假菩薩。斷違俗妄。別十迴向。伏違中妄。登地永斷。圓五品位。伏違二諦之妄。初住永斷。</p>	<p>地出假。下根七地。入地出假。永斷涅槃法愛。別教十向。習中觀。永斷神通法愛。圓教五品。善知法界。伏中道愛。初住分斷。妙覺究竟斷盡。</p>
<p>事惡。惟用飲。不用酤。用飲如末利夫人。事理惡。亦酤亦飲。謂法性理水。陶然真樂。名爲真酒。諸佛菩薩。自既醉飽。亦廣飲人。又中諦酒。俗諦酒。真諦酒。三昧酒。十善酒。以中諦酒。酤與別圓菩薩。以俗諦酒。酤與藏通菩薩。以真諦酒。酤與藏通二乘。以三昧酒。酤與色無色界。以十善酒。酤與人天。各令醉飽。又中諦藥</p>	<p>用事妄。如開遮所明。用理妄。則生生不可說。作生生說。生不生不可說。作生不生說。不生不可說。作不生說。不生不生不可說。作不生不生說。法非言說。言說皆妄。法非默然。默然亦妄。以四悉檀因緣。用妄言說。及妄默然。巧誘衆生。出魔入佛。名大妄語。亦最綺語。</p>	

		<p>酒。治菩薩病。俗諦藥酒。治二乘病。真諦藥酒。治凡夫病。三昧藥酒。治散亂病。十善藥酒。治十惡病。既酤與人。亦示自飲。又一切衆生。醉三毒酒。與其同事。亦復示飲。又如婆藪仙人。示酤三毒酒。爲衆作誠。</p>
<p>六 說四衆過戒</p>	<p>初果以去無事說。圓人初心無理說。</p>	<p>說佛菩薩爲究竟五逆。究竟大盜。究竟五欲。究竟大妄語人。</p>
<p>七 自讚毀他戒</p>	<p>初果以上。永斷事惡。八人見地。永斷界內理惡。別地圓住。永斷界外理惡。</p>	<p>用事讚毀。則摧邪顯正。彈偏斥小。歎大褒圓。用理讚毀。則法性爲自。無明爲他。無明之性。卽是法性。無可讚毀。而熾然讚毀。</p>
<p>八 慳惜加毀戒</p>	<p>初果斷事慳。亦斷真諦慳。菩薩不慳俗諦。別人不慳中諦。圓人不慳法性。名字不慳。乃至究竟不慳。</p>	<p>不捨一法名慳。破相歸性名毀。</p>
<p>九 瞋心不受悔戒</p>	<p>三果斷事瞋。盡初果不隔真。出假不隔俗。別向不隔中。別地圓住不隔二諦。又圓信圓觀。皆伏一切理瞋。</p>	<p>現忿怒大明王相。是用事瞋。一法不取名爲理瞋。</p>
<p>十 謗三寶</p>	<p>藏不謗真。通不謗俗。別不謗中。圓不謗二。各</p>	<p>用事謗。如婆藪仙人。用理謗。四句卽爲四門。</p>

戒名		修證差別		性惡法門		
戒						
於外內二凡永伏分證永斷						
以上十重戒 以下四十八輕戒						
門門皆入道						
一不敬師友戒	初果得不壞淨及淨心地菩薩永斷事慢四教分證人如次斷四種理慢	瑜伽法中作觀音慢是觀行慢十地品云我當於一切衆生中爲首爲勝等是分證慢天上天下惟吾獨尊是究竟慢	得法自在人飲無迷亂	用事飲如濟顛等用理飲即法性真酒耽荒無厭		
二飲酒戒	別初住圓初信永斷事食四教分證斷四理食	用事食如釋迦本生現惡羅刹形怖人令受歸戒用理食則中道法性名爲第一美味恣意飽噉				
三食肉戒	事辛爲修行第一漸次最初應斷初果斷見辛四果斷思辛出假斷塵沙辛別地圓住分斷無明之辛	辛是熏染爲義以法界辛徧熏法界如擊塗毒鼓置毒乳中等喻既以毒喻圓理亦可以辛喻也				
四食五辛戒	他人犯戒於四諍中即是犯諍若舉過不服即是寬諍若復有人不知戒相不決重輕即是言諍若於三諍事發又卽事諍此之四諍	維摩經云外道六師是汝之師汝師所墮汝亦隨墮則非惟不教令悔又從而和之矣此亦具有事理二墮也				
五不教悔罪戒						

梵網經菩薩戒本彙解下篇 修證差別性惡法門合表

<p>九 不看病 戒</p>	<p>八 心背大 乘戒</p>	<p>七 不往聽 法戒</p>	<p>六 不供給 請法戒</p>	
<p>慈能看無明病。 生緣慈能看身病。法緣慈能看見思病。無緣</p>	<p>位不退人永不計外。行不退人永不計小。念不退人永不背理。</p>	<p>事往應如常啼善財。理往如石室觀空。又菩薩成就游戲神通。能徧至十方聽法。成就念不退法。能念念永不離法。</p>	<p>入淨心地菩薩。常法供養一切三寶。事請理請俱無犯。</p>	<p>具十法者乃能滅之。一持戒。二多聞。三誦毘尼極利。四廣解其義。五言辭了了。堪任問答。六諍起能滅。七不愛。八不悲。九不怖。十不癡。又僧祇明成就十四法。名為第五持律。所謂善能滅諍。大約是無疑解脫阿羅漢也。教悔理罪。位在圓住。通教見地。亦滅界內理諍。</p>
<p>常與捨心相應。名不看病。又復示現病行</p>	<p>用外用小接外小機。示同其計。</p>	<p>不應以法更聽於法。</p>	<p>事惡。則如闍王之女。見大聲聞而不起迎禮敬。理惡。則觀於絕待法性。不得能供所供。能請所請。</p>	

一 畜殺具 戒	初果以上。永捨事器。圓住永捨理器。	正以圓頓止觀爲究竟殺具
二 國使戒	初果以上。不爲事使。四教分證。不爲理使。	或爲事使。卽如圖澄等。或爲理使。則方便破無明國。善巧摧煩惱軍。又於無明國裏出入。煩惱軍中往來。以度衆生。
三 販賣戒	初果以上。無事販。圓人無理販。	分離無明眷屬。斷絕十二生因。盡法界衆生。市以無縫棺材。所謂皆以如來滅度而滅度之。
四 謗毀戒	初果無不實謗。三果無惡心說實。圓人無理謗。	方便說此性惡法門。謂佛是究竟大貪等。
五 放火焚燒戒	初果斷事燒。四果斷見思燒。佛斷無明燒。	放三智火。燒盡法界三惑窟宅。
六 僻教戒	初果無邪教。出假無小教。圓人無理內邪小。	徧用一切邪小法門。攝一切機。又究竟邪小。卽究竟一乘。
七 爲利倒說戒	初果無爲利心。出假具知根智。圓觀曉了四悉。	一切法倒一切法正。以正相入倒相以倒相入正相。

<p>七恃勢乞求戒</p>	<p>初果斷事取圓觀伏理取。圓住斷理取。</p>	<p>橫於九界逼取佛界善根。橫於二十五有逼取真常我性。</p>
<p>六無解作師戒</p>	<p>觀行相似位人。有教門正解。分證位人。有入理真解。</p>	<p>一切法本不可解。忘情絕解。乃為法界之師。</p>
<p>五兩舌戒</p>	<p>初果無事兩舌。圓人無理兩舌。</p>	<p>隨情隨智為兩舌。一切實一切不實等亦是兩舌。</p>
<p>四不行放救戒</p>	<p>慈心三昧成。常行事理二救。</p>	<p>或不救事殺。如古人謂猪子云。正兩腳時不掙。今既四腳。掙向何處。或不救理殺。殺盡安居。自作教他。寧惟不救。又從而助之。</p>
<p>三瞋打報警戒</p>	<p>初果無事報。圓住無理報。</p>	<p>破煩惱怨。殺無明賊。</p>
<p>三憍慢不請法戒</p>	<p>初果無事憍。圓住無理憍。</p>	<p>天上天下。惟吾獨尊。不見世間諸天及人。堪受如來迎接禮拜者。假使佛為起迎。令彼即時頭破七分。</p>
<p>三憍慢僻說戒</p>	<p>初果斷事中慢僻。圓住斷理中慢僻。</p>	<p>我為法王。於法自在。隨智隨情。種種僻說。</p>

三不習學 佛戒	位不退人永不計外。行不退人永不計小念不退人永不背理。	邪小究竟即大。
三不善知 衆戒	無疑解脫。能和事諍。能守事財。圓初住。能和理諍。能守理財。	與般若若兵杖。與一切法戰。是名亂衆鬪諍等。賜諸子白牛大車。是恣用三寶物。
三獨受利 養戒	初果不獨受事利。圓住不獨受理利。	盡十方是箇自己。安有第二人同受供養。
三受別請 戒	別初住。圓初信。不受事別請。別初地。圓初住。不受理別請。	法界妙供。念念自受。如人飲水。冷煖自知。誰能共之。
三別請僧 戒	初果無事別請。圓信無理別請。	於十法界中。別令各得佛界之利。
三邪命戒	初果無事邪。圓住無理邪。	如維摩經中三墮受食。是爲究竟邪命。又置毒乳中等。
三經理白 衣戒	初果無事犯。圓住無理犯。	同流九界。名經理白衣。坐斷三世。名不敬好時。
三不行救 贖戒	圓初信。別初住。通見地菩薩。藏事度菩薩。皆能盡力行事救。圓初住。別初地。皆能盡力行	正欲以法界三寶。強售法界中人。

梵網經菩薩戒本彙解下篇 修證差別性惡法門合表

	理救。	損九界成佛界。佛亦不立。則具損十界。
三損害衆生戒	初果無事損。亦不損真。出假不損俗。別向不損中。別地圓住。不損二諦。	歷三性觀察。徧覺一切邪業中實相。
三邪業覺觀戒	三果無事邪。別地圓住。無理邪。	念念觀外道二乘境。即是不思議境。成就究竟外道。究竟二乘。
三暫離菩提心戒	圓初信。別初住。通見地。藏初果。永不起外道心。行不退位。永不起二乘心。別地圓住。永不起理中邪小心。	不著佛求。不著法求。不著僧求。不應法界更求法界。
三不發願戒	行不退人。不離大願。以自莊嚴。	不動法界。何誓可發。又誓染法喜妻。誓披忍辱衣。誓食禪悅法喜食。誓坐法空座。誓服四教樂。誓遊解脫園。誓受自性禮。誓觀法界妙色。誓聽圓頓好音。誓嗅法身妙香。誓餐法食妙味。誓受八自在樂觸。誓令一切衆生得一般涅槃際解脫門。
三不發誓戒	位不退人。前四誓淨。行不退人。第五誓淨。	

三 冒難遊行戒	得五通人。無難事怖。得三智者。無三恐怖。	徧入事理。二難以度衆生。
四 乖尊卑次第戒	善持大小毘尼。知事次第。善修四教觀慧。知理中次第。	生佛平等。有何次第。故文殊爲然燈佛師。仍侍釋迦。一心一切心。一觀一切觀。復何次第。故佛頂云。聖性無不通。順逆皆方便。
五 不修福慧戒	行不退人。滿足事修。念不退人。滿足理修。	無福慧法可修。無人修於福慧。
六 揀擇受戒戒	別住以去無事揀。圓信以上無理揀。	法法皆揀。則全非。更無一法可受。
七 爲利作師戒	初果以上不爲事利。別地圓住。不爲理利。	普利法界。正是獨利自己。從名字爲利。乃至究竟爲利。
八 爲惡人說戒	初果及別住。不犯事說。具知根智。不犯理說。	如喜根強毒。不輕授記。卽是向惡人說。
九 故起犯戒心戒	位不退人。無犯事心。念不退人。無犯理心。	謗諸佛。毀於法。不入衆數。爲與衆魔共一手。作諸勞侶。
十 不供養經典戒	初果及淨心地人。無事慢。念不退人。無理慢。	自心卽法。卽三寶。不應以心更供於心。
十一 不化衆生戒	行不退。常行事化。念不退。常行理化。	三世諸佛。一口吞盡。有何衆生可度。
十二 說法不如法戒	初果以上。事常如法。別地圓住。理常如法。	依正利塵。俱說俱聽。更何高下。
十三 非法制限戒	初果以上。無事制限。別地圓住。無理制限。	不聽於九界外。別別施設佛界。
十四 破法戒	初果以上。無事破。別地圓住。無理破。	破一切法。無不徧。

滿益大師警訓節錄

〔願文〕稽首大慈悲。救護末劫者。我念末劫苦。破戒爲第一。我思救苦方。無越毘尼藏。毘尼若住世。正法永不滅。行成果斯尅。教不屬空言。或因持戒力。速成淨滿尊。或因淨尸羅。嚴淨諸佛土。或因別解脫。作獨覺聲聞。或因善戒力。生禪及天道。亦作人中勝。福樂好名稱。如是差別果。皆由戒所得。近果說差別。究竟歸一乘。如是勝妙法。願爲我昭明。普度長夜中。無依無怙衆。（下略）

〔淨社銘〕持戒爲本。淨土爲歸。觀心爲要。善友爲依。

〔庚寅自恣二偈〕秉志慵隨俗。期心企昔賢。擬將凡地覺。直補涅槃天。半世孤燈歎。多生緩戒愆。幸逢鍼芥合。感泣淚如泉。正法衰如許。誰將一線傳。不明念處慧。徒誦木叉篇。十子哀先逝。諸英喜復聯。四弘久有誓。莫替馬鳴肩。

〔五戒歌示愁月〕受戒易守戒難。莫將大事等閑看。浮囊渡海須勤護。一念差池全體殘。理勝欲便安瀾。把定從來生死關。任他逆順魔軍箭。凜凜孤懷月影寒。不殺生大慈仁。物我一體如長春。蠕動娟飛佛性等。賢愚貴賤無疎親。不偷盜充義輿。正直清廉明節操。心外無法可當情。菩提性具非他造。不婬欲梵行篤。身心皎潔同珠玉。泰山喬嶽立清風。等閑超出娑婆獄。不妄語誠相與。廣長舌相昏塗炬。矢口千金敵國欽。九界同歸作洲渚。不飲酒離羣醜。智慧照明師子吼。衣裏圓珠豈更忘。免得親翁再苦口。三歸五戒果精明。觀音勢至爲師友。